

# Taiala i le Polokalama o Suegatusi a le Eria

---

O LE EKALLESIA A  
**IESU KERISO**  
O LE AU PAIA O ASO  
E GATA AI



# Anotusi

## Faatomuaga..... 1

O Le Polokalama o Suegatusi a le Eria.....	1
Faaupuga o loo Faaaoga i le Taiala Lenei.....	1
Mea e Faaaoga mo Aoaoga Faamasani ma Punaoa .....	1
Tufatufaga o le Taiala Lenei .....	1

## Komiti Suetusi a le Eria ..... 2

Faatulagaga o le Komiti Suetusi a le Eria .....	2
O Tiutetauave o le Komiti Suetusi o le Eria .....	2
Fegalegaleaiga a le Komiti Suetusi o le Eria .....	2

## Suetusi o le Eria..... 3

Faaailoga o Agavaa o le Suetusi a le Eria .....	3
Tiutetauave o le Suetusi a le Eria .....	3
Auina Atu o se Lipoti Faalemasina o le Tulaga Faatausimea .....	3
Faamaopoopoina Fonotaga Faalemasina a le Komiti Suetusi o le Eria.....	3
Suesue Faamatalaga i Suegatusi ma Mea Tautupe.....	4
Aoaog Faamasani ia Suetusi Fesoasoani a le Eria .....	4
Mataitū ma Vaavaai Suetusi Fesoasoani o le Eria .....	5
Faafaigofie Valaauga ma Faamalologa o Suetusi Fesoasoani a le Eria .....	5
Lipoti Atu Faamatalaga o le Paketi .....	6
Faatino Suegatusi Faasu'esu'ega e pei ona Tofia Ai .....	6
Fegalegaleaiga a le Suetusi o le Eria.....	6

## Suetusi Fesoasoani o le Eria ..... 7

Faailoga Faapitoa o Tomai a le Suetusi Fesoasoani o le Eria.....	7
---	---

## Tiutetauave o le Suetusi Fesoasoani a le Eria ..... 7

Faailoa Mea e Manaomia mo Aoaoga Faamasani ma Faatino Aoaoga Faamasani Faaletausaga.....	7
Aoaog Faamasani ia Au Peresitene Fou o Siteki.....	7
Tulitatao Suegatusi Na Tuai pe ua Leva ona Tatau ona Mae'a.....	8
Toeiloilo Suegatusi ma Tulitatao Vaega e Faaletonu o Suegatusi .....	8
Ia Mautinoa Ua I Ai I Siteki Taitasi se Komiti Suetusi o Gaoioi .....	8
Lipoti Atu Tupe Leiloloa, Gaoia, Faaaogaaga Le Talafeagai, ma le Faaaoga Sese o Tupe a le Ekalesia.....	8
Galulue Vavalalata ma le Fitugafulu Eria i Faamatalaga o Suegatusi ma Mea Tautupe.....	8
Auina Atu o se Lipoti Faalemasina o le Tulaga Faatausimea.....	8
Lagolago i Tagata e Faaaogaina le LUFAS.....	8
Faatino Suegatusi Faasu'esu'ega e pei ona Tofia Ai .....	9

## Fegalegaleaiga a le Suetusi Fesoasoani o le Eria..... 9

## Fitugafulu Eria ..... 10

Tiutetauave o le Fitugafulu Eria .....	10
Fautuaina Atu, Valaau, ma Faamalolo le Suetusi Fesoasoani o le Eria .....	10
Galulue Faatasi ma le Suetusi Fesoasoani a le Eria .....	10
Lagolago le Suetusi o le Eria ma le Suetusi Fesoasoani o le Eria .....	10
Fegalegaleaiga a le Fitugafulu Eria.....	10

# Faatomuaga

## O Le Polokalama o Suegatusi a le Eria

O tupe a le Ekalesia e paia ma e tatau ona faamaumuina ma le faaeteete. O suegatusi o mea tautupe e fesoasoani e puipui ai mai le faaoga seseina o tupe ma tuu atu ai i taitai perisitua ma failautusi se avanoa e lipoti atu ai o latou tiutetauave mo tupe a le Ekalesia.

O suegatusi o mea tautupe a le Ekalesia e faafoe i lalo o le taitaiga faaleperisitua. Mo eria taitasi i le Ekalesia, e faatulaga e le Au Perisitene o le Eria se komiti mo suegatusi a le eria, e aofia ai se taitaifono, se suetusi a le eria, ma isi o le a faamatalatala atu i lenei taiala. E tofia se suetusi fesoasoani o le eria mo aufono faamaopoopo taitasi i le eria.

O komiti mo suegatusi a le eria, suetusi a le eria, suetusi fesoasoani a le eria, ma Fitugafulu Eria e mulimuli i le polokalama mo suegatusi a le eria e faamalolosia ia taitai perisitua, fesoasoani ia i latou ia malupuipua ia tupe paia a le Ekalesia, ma faamautinoa le faaogaina tatau o na tupe. Latou te faamautinoaina ua maua e taitai perisitua, failautusi, komiti mo suegatusi a le eria, ma suetusi a le siteki ia aoaoga talafeagai e uiga i suegatusi ma aiaiga faavae o mea tautupe a le Ekalesia.

O loo ootoo atu i lenei taiala ia matafaioi ma tiutetauave o komiti suetusi a eria, suetusi o le eria, fesoasoani i suetusi o le eria, ma Fitugafulu Eria. O mataupu faavae, aiaiga faavae, matafaioi, ma tiutetauave o loo faamatalatala atu i lenei taiala o le polokalama lea mo suegatusi a le eria.

## Faaupuga o loo Faaoga i le Taiala Lenei

Mo faamoemoega faaletaitaiga, o faaupuga epikopo ma le au epikopo i lenei taiala e faasino foi i perisitene o paranesi ma au perisitene o paranesi. O faaupuga perisitene o le siteki ma le au perisitene o le siteki e faatatau foi i perisitene o itu ma au perisitene o itu. O nofoaga e lipoti i le misiona, o le perisitene o le siteki ma le au perisitene o le siteki e mafai foi ona faasino i perisitene o misiona ma au perisitene o misiona. O faasinoga i uarota e faatatau foi i paranesi e aofia ai paranesi e lipoti i misiona. O faasinoga i siteki e faatatau foi i itu ma e mafai ona faatatau i misiona.

O le faaupuga taitai perisitua e faasino i au epikopo, au perisitene o paranesi ma siteki, misiona, ma au perisitene o itu. O le faaupuga failautusi e faasino i failautusi o le siteki,

uarota, itu, ma i o latou failautusi fesoasoani o e e tofia e fesoasoani i le tausiga o faamaumauga o mea tautupe.

Mo eria i le lunaite Setete ma Kanata, o le faaupuga pule faafoe e faasino i le pule faafoe a le Ekalesia. Mo eria i fafo atu o le lunaite Setete ma Kanata, o le pule faafoe e faasino i le pule faafoe i le eria. O faasinoga i matagaluega i le laumua o le Ekalesia, e pei o le Matagaluega Suetusi a le Ekalesia, po o Auaunaga o le Uelefea ma le Ola Tutoatasi, e faatatau i eria i le lunaite Setete ma Kanata sei vagana ua ta'ua. O faasinoga i faalapotopotoga i eria po o tagata, e pei o le ofisa o le eria, komiti uelefea a le eria, po o le pule faafoe i le eria, e faatatau i eria i fafo atu o le lunaite Setete ma Kanata.

O le faaupuga sui e vaaia mea tautupe a le Ekalesia e faasino i se tagata faigaluega mai le laumua o le Ekalesia po o le ofisa o le autaitai ua atofaina e (1) vaaia tupe a le siteki ma le uarota i le tulaga aoao po o le eria ma (2) ua faatagaina e tuuina atu faamatalaga e uiga i tupe a le siteki ma le uarota i le komiti suetusi o le eria, suetusi o le eria, ma suetusi fesoasoani o le eria.

## Mea e Faaoga mo Aoaoga Faamasani ma Punaoa

O mea e faaoga mo aoaoga faamasani ma punaoa mo le polokalama mo suegatusi a le eria o loo maua i le Nofoaga Tutotonu mo Fesoasoaniga i le ChurchofJesusChrist.org ma i le Area Audit Resource Library o loo i ai i le aarl.ChurchofJesusChrist.org. O sui auai o le komiti mo suegatusi a le eria, o suetusi a le eria, suetusi fesoasoani a le eria, Fitugafulu Eria e mafai ona saina i totonu e ala i le faaogaina o o latou igoa faaoga ma le upu tatala ia latou Faitotoa o le Ekalesia.

## Tufatufaga o le Taiala Lenei

O i latou nei e tatau ona i ai se kopi o le *Taiala i le Polokalama mo Suegatusi a le Eria*:

- Taitaifono o le komiti suetusi a le eria
- Fitugafulu Eria
- Sui auai o komiti suetusi a le eria
- Suetusi fesoasoani a le eria

# Komiti Suetusi a le Eria

E saunia ma tuuina atu e le komiti suetusi a le eria le lagolago ma le taitaiga a le Au Peresitene o le Eria i le polokalama mo suegatusi a le eria. O le komiti o se fono mo le faamaopoopoga o le galuega a le pule faafoe o le eria ma suetusi fesoasoani a le eria i le eria atoa.

## Faatulagaga o le Komiti Suetusi a le Eria

O le taitaifono o le komiti suetusi a le eria o se sui auai o le Au Peresitene o le Eria. O le komiti suetusi a le eria e aofia ai le taitaifono, o le faatonu mo mataupu faaletino, o le pule faafoe, ma le suetusi a le eria. E mafai ona valaaulia se sui o mea tautupe a le Ekalesia e fono ma le komiti pe a manaomia ina ia mafai ai ona tuuina atu faamatalaga e uiga i mea tautupe a le siteki ma le uarota i le eria.

## O Tiutetauave o le Komiti Suetusi o le Eria

E maua e le komiti suetusi o le eria manatu faaalua mai, ma tuuina atu faamatalaga i le Au Peresitene o le Eria e faatatau i suegatusi a le Ekalesia i le eria.

O le komiti suetusi a le eria, o le Matagaluega o Faifeautalai, ma le Matagaluega mo Suegatusi a le Ekalesia, e galulue faatasi e valaauina ma faamalolo le pule faafoe i le eria. O le komiti suetusi a le eria e faamautinoaina ua aoao faamasani le pule faafoe i le eria e le Matagaluega mo Suegatusi a le Ekalesia.

O le taitaifono o le komiti suetusi a le eria e iloilo ina ma faamaonia ma faamalolo ia valaauga fautuina o le pule faafoe i le eria ma suetusi fesoasoani i le eria. O le komiti e faamautinoaina ua aoaina lelei ia suetusi fesoasoani i le eria. O le komiti foi e faalauleleia se sootaga i le va o Fitugafulu Eria ma suetusi fesoasoani i le eria e galulue ai.

O le komiti suetusi a le eria e faamautinoaina ia vave ona aoao faamasani e suetusi fesoasoani a le eria ia au peresitene fou e uiga i aiaiga faavae o mea tautupe ma suegatusi a le Ekalesia. E iloilo e le komiti ia manaoga mo aoaoga faamasani o siteki i le eria ma faamautinoaina o loo taulima e suetusi fesoasoani a le eria ia manaoga mo aoaoga faamasani i siteki.

O le komiti suetusi o le eria e iloilo ina ma faaleleia atili le mataalia o le komiti suetusi a le siteki e ala i le faamautinoaina o mea nei:

1. E auina atu suegatusi i le taimi tuupoina.
2. Ua sa'o ma maea lelei suegatusi.
3. Ua vave ona faasa'o ina ia vaega uma e faaletonu o le suegatusi.

E faailoa mai e komiti suetusi a le eria ia mea moni e ono ta'u mai ai ua faateleina le tulaga matautia o le faaaoga sese po o le faaaogaina ma le le tatau o tupe a le Ekalesia i uarota ma siteki i a latou eria. O nei mea moni matautia e ono aofia ai tupe a le Ekalesia e totogi atu ae le tatau ai (e aofia ai taulaga anapogi), o foai leiloloo, ma isi faafitauli tau suetusi ma aoaoga faamasani. O le faaaogaina o nei mea moni matautia, e faailoa mai e le komiti ia uarota ma siteki atonu ua faateleina le tulaga matautia o le faaaoga sese po o le faaaogaina ma le le tatau o tupe a le Ekalesia, ma fuafuaina pe faapefea ona faaititia nei tulaga matautia. Afai ua alagatau ai, e mafai e le komiti suetusi a le eria ona talosagaina se isi aoaoga faamasani, faafoe, po o ni suegatusi mo uarota ma siteki ua faateleina le tulaga matautia o le faaaoga sese po o le faaaogaina ma le le tatau ia tupe a le Ekalesia.

E fono faalemasina le komiti suetusi a le eria. E talanoaina e le komiti le malamalama o taitai o le siteki ma uarota e uiga i aiaiga faavae ma taualumaga o mea tautupe e pei ona molimauina e taunuuga o suegatusi ma faatalanoaga ma suetusi fesoasoani a le eria. E mafai foi e le komiti ona talanoaina ia le faaaoga sese o tupe po o isi tupe a le Ekalesia e totogi atu ae le tatau ai (e aofia ai taulaga anapogi), foai e misii, ma isi faafitauli o suegatusi ma aoaoga faamasani.

E faatulaga e le komiti suetusi a le eria se avanoa i se ofisa o le pule faafoe a le eria. E saunia foi e le komiti se paketi mo (1) tau o masini, femalagaiga, telefoni, anomea, ma isi tupe faaalu mo le suetusi a le eria, ma (2) le tau o le femalagaiga ma isi tupe faaalu mo suetusi fesoasoani a le eria. O nei tupe faaalu e totogi e le Matagaluega mo Suegatusi a le Ekalesia po o le ofisa o le eria.

## Fegalegaleaiga a le Komiti Suetusi o le Eria

O le komiti suetusi a le eria e lipoti atu ma maua mai ana galuega e fai mai le Au Peresitene o le Eria. E fegalegaleai ia sui auai o le komiti ma maua mai faamatalaga mai matagaluega a le Ekalesia po o pule i le ofisa o le eria pe a manaomia. Latou te fegalegaleai foi mai Fitugafulu Eria, o peresitene o sieki, ma suetusi fesoasoani i le eria pe a manaomia e feaasoai ia faamatalaga ma tuuina atu faatonuga.

# Suetusi o le Eria

O le pule faafoe i le eria o se sui autu o le komiti suetusi a le eria. E nafa o ia ma le faatinoga ma le faatautaiga i lea aso ma lea aso o le polokalama mo suegatusi a le eria.

O le pule faafoe i le eria e fai ma sui o le Au Peresitene o le Eria a o faatinoina ona tiutetauave. E lipoti atu o ia ma maua mai ana galuega e fai ma faatonuga mai le taitaifono o le komiti suetusi a le eria. Na te maua ia aoaoga faamasani ma faatonuga mai le Matagaluega mo Suegatusi a le Ekalesia.

O le tofiga o le suetusi o le eria e manaomia ai se faamalologa mai isi valaauga o le siteki ma le uarota.

## Faaailoga o Agavaa o le Suetusi a le Eria

O le pule faafoe i le eria o se taitai tomai, faiaoga, ma se e talanoa. Na te umia se pepa faataga o loo aoga o le malumalu. E masani o ia ma sa galue auauna i ni valaauga faaletaitai i le Ekalesia. E ia te ia le utaga poto e faavae i luga o galuega sa faigaluega ai, taitaiga faale-Ekalesia, ma isi poto masani.

O le suetusi a le eria e mafai ona faatautaia le polokalama mo suegatusi a le eria i lalo o le taitaiga a le Au Peresitene o le Eria. E tomai tele o ia i le saunia mo le, taitaiga, ma le auai e faasoa i fonotaga. E malamalama o ia i le mafuaaga e tatau ai ona faia suegatusi i uarota ma le siteki, ma e mafai ona ia aumaia isi i lea lava malamalama. E malamalama o ia i le auala e faafoe ai suegatusi a le Ekalesia, ma e mafai ona ia aoaoina isi i lea faiga. E mafai e ia ona malamalama ma fesootai atu atugaluga o mea tautupe ma suegatusi i le tulaga o le eria.

E mafai e le suetusi a le eria ona femalagaai i le eria atoa. O lana fuafuaga faagasolo e mafai ai e ia ona auai atu i fonotaga a komiti suetusi, ma tuuina atu ai aoaoga faamasani i afiafi o faaiuga o vaiaso. Ua i ai ia te ia ni tomai faavae faakomepiuta, se komepiuta feaveai, ma le Initoneti.

## Tiutetauave o le Suetusi a le Eria

### *Auina Atu o se Lipoti Faalemasina o le Tulaga Faatausimea*

O le suetusi a le eria e lipoti atu faalemasina i le taitaifono o le komiti suetusi a le eria ma le Matagaluega mo Suegatusi a le Ekalesia. O le lipoti e ao ina aofia ai faamatalaga e talosagaina e le komiti suetusi a le eria.

### *Faamaopoopoina Fonotaga Faalemasina a le Komiti Suetusi o le Eria*

I lalo o le taitaiga a le taitaifono o le komiti suetusi a le eria, e faatulagaina ai e le suetusi a le eria fonotaga faalemasina a le komiti suetusi a le eria, ma saunia le lisi o mataupu e talanoaina faapea foi ma minute. Latou te soalaupule faatasi ma isi sui auai o le komiti pe a manaomia ai.

O le suetusi a le eria e lipoti atu faalemasina i autu nei, pe a alagatau ai:

1. Tuusaunoaga o suegatusi: O le suetusi a le eria e aoteleina faatinoga e faasa'o ai [faaletonu] ia na faamaeaina ma laasaga tulitatao na faia i siteki o loo i ai ni tuusaunoaga o suegatusi e le'i foiaina. Na te aoteleina mea e faaletonu i suegatusi na matauina i suegatusi.
2. Aoaoga Faamasani: O le suetusi a le eria na te faailoaina mea e manaomia mo aoaoga a siteki ma uarota i totonu o le eria. Na te faailoaina ai nei manaoga e ala i le faia o mea nei:
  - E fesootai ma suetusi fesoasoani i le eria ma toe iloilo a latou lipoti faatausimea o masina taitasi.
  - Toe iloiloaina o lipoti mai le Polokalama o Suegatusi o Mea Tautupe a le Lunite i le Lotoifale (LUFAS) ma se tasi o faiga o le Church Unit Banking Services (CUBS) po o le Punaoa mo Taitai ma Failautusi (LCR), pe a tatau ai.
  - Talanoaina faatasi ma le pule faafoe ma sui o mea tautupe a le Ekalesia ia faafitauli o mea tautupe ma suegatusi a siteki ma uarota.
  - Faailoa maia au peresitene fou o siteki ma taitaifono fou o komiti suetusi a siteki.

E tatau i le komiti ona talanoaina ia manaoga lautele mo aoaoga faamasani a siteki ma uarota ma aoaoga faamasani na faia pe o manaomia ona faia mo i latou.

3. Auina atu faapea foi suegatusi e tuai pe lei maea lava. E aotele e le suetusi a le eria e ala i le fono faamaopoopo, le aofaiga o suegatusi a siteki ma uarota ua auina atu faapea le aofai o suegatusi na tuai pe lei maea lava. Na te aoteleina foi faatinoga tulitatao e faia mo na siteki na tuai pe lei maea suegatusi. E ao i le komiti ona saunua patino pe o le a se mea e mafai ona fai e faamalosiaina ai na siteki ia auina atu a latou suegatusi.

4. O tulaga autu matautia: O le suetusi a le eria e aoteleina ia tulaga autu matautia e le'i foiaina ia na faailoa mai e suetusi fesoasoani a le eria ma faatinoga na faia e foiaina ai. Na te faailoaina mai iunite o le lotoifale o i ai i le tulaga matautia o le faaoga sese po o le faaogaina ma le le tatau o tupe.
5. Fesoasoani i suetusi a le eria: O le suetusi a le eria e aoteleina le maualuga o le galuega e faatinoina e suetusi fesoasoani a le eria. Na te lipotia i lana aoaoga faamasani ma le vaavaaiga a suetusi fesoasoani i le eria. Na te fautuaina mai le valaauina ma le faamalologa o suetusi fesoasoani i le eria.
6. Lipoti faatausimea: O le suetusi a le eria e aoteleina ia faamatalaga mai lipoti faatausimea i masina taitasi a le suetusi fesoasoani a le eria.
7. O tupe e totogi atu ae le lagolagoina ma e le talafeagai: E lipoti atu e le suetusi a le eria ia tupe e totogi atu ae le talafeagai ai ma e le lagolagoina. Na te maua mai le faamaoniga a le komiti o fuafuaga mo aoaoga faamasani e toetulitatao ai, ma talanoa atu i fuafuaga faamaonia i le suetusi fesoasoani talafeagai o le eria ma i le Fitugafulu Eria pe a manaomia ai.

E faailoa mai e le suetusi a le eria ia tupe totogi atu e le lagolagoina ma e le talafeagai e ala i le faia o mea nei:

- Iloiloina o mea e faaletonu o suegatusi
  - Faatautaia o se suegatusi mai lea taimi i lea taimi
  - Talosagaina o lipoti ma faamatalaga
  - Talosagaina o lipoti ma faamatalaga mai le pule faafoe ma sui o mea tautupe a le Ekalesia
  - Iloiloina o lipoti LUFAS ma isi lipoti o le CUBS po o le PTF, pe a talafeagai ai.
  - Talanoaina ma taitai ua faatagaina o le Auaunaga o le Uelefea ma le Ola Tutoatasi po o le taitaifono o le komiti o le uelefea a le eria.
8. Teugatupe e lei teuina: E lipoti atu e le suetusi a le eria ia teugatupe e lei teuina. Na te mauaina mai le faamaoniga a le komiti mo fuafuaga tulitatao o aoaoga faamasani, ma talanoa atu i fuafuaga ua faamaonia i le suetusi fesoasoani talafeagai i le eria, ma le Fitugafulu Eria, pe a manaomia.

E faailoa mai e le suetusi a le eria ia teugatupe e le'i teuina e ala i le:

- Talosagaina o lipoti ma faamatalaga mai le pule faafoe ma sui o mea tautupe a le Ekalesia.
- Iloiloina o le lipoti CUBS po o le PTF, pe a talafeagai ai.

### ***Suesue Faamatalaga i Suegatusi ma Mea Tautupe***

Faatasi ai ma le fesoasoani mai suetusi fesoasoani o le eria, e suesue ai e le suetusi o le eria ia suegatusi a uarota ma le siteki ma faamatalaga faaletupe e iloa ai faafitauli po o vaega e eseese ai, e pei o le toe tulai mai foi o ni faaletonu i le suegatusi, tupe faaalu e le'i ai ni faamaumauga pe e le'i faamaoniaina, teugatupe e le'i teuina, po o le faaogaaga le talafeagai o tupe.

E talosagaina e le suetusi o le eria le pule faafoe ma sui o mea tautupe a le Ekalesia e faailoa mai ni faafitauli i le pulea ma le faaogaina o tupe, lea e faaalai ai le manaomia o se aoaoga faamasani faapitoa i ni isi po o aufono faamaopoopo, siteki po o uarota uma.

E talosagaina e le suetusi o le eria ia taitai o le Auaunaga mo le Uelefea ma le Ola Tutoatasi po o le komiti o le uelefea a le eria e faailoa mai ni atugaluga o taulaga anapogi e faaalai ai le manaomia o se aoaoga faamasani faapitoa i ni isi po o aufono faamaopoopo, siteki, po o uarota uma.

E faamautinoa e le suetusi a le eria ua talanoaina mea uma nei e maua, i fonotaga a le komiti suetusi a le eria. E amatalia e le komiti suetusi a le eria ni fuafuaga e aoao faamasani ai aufono faamaopoopo a siteki, ma uarota pe a manaomia.

### ***Aoao Faamasani ia Suetusi Fesoasoani a le Eria***

E aoao faamasani e le suetusi a le eria ia suetusi fesoasoani a le eria e uiga i aiaiga faavae ma taualumaga o suegatusi ma mea tautupe a le Ekalesia. Na te saunia ma tuuina atu anomea mo aoaoga faamasani i suetusi fesoasoani fou i le eria, ma aoaoina i latou i mea nei:

- O le taua o le tausia o faamaumauga tautupe a le Ekalesia, suegatusi, ma le malupuipua o tupe a le Ekalesia.
- O le polokalama o suegatusi a le eria.
- O lo latou tiutetauave e aoao faamasani ia taitai perisitua, failautusi, komiti suetusi o le siteki, ma suetusi a le siteki e uiga i aiaiga faavae ma taualumaga o suegatusi ma mea tautupe a le Ekalesia.

- Tullitataoina o suegatusi ua tuai pe ua leva ona tatau ona maea ma le vaifofo o tuusaunoaga o suegatusi.
- Fomu ma faagasologa o suegatusi.
- LUFAS, CDOL, ma le Potutusi o Punaoa mo Suegatusi i le Eria
- Meafaigaluega mo aoaoga faamasani ma auala e fai ai
- Lipoti Faatausimea

E faatulaga e le suetusi a le eria e le aunoa ia aoaoga faamasani mo suetusi fesoasoani uma, ma na te logoina foi le Matagaluega Suetusi a le Ekalesia e uiga i le lisi o le faasologa. Faatasi ai ma le faamaoniga a le komiti suetusi a le eria, e mafai ona ia talosagaina le fesoasoani mai le Matagaluega Suetusi a le Ekalesia mo le aoaoga faamasani. Na te saunia isi aoaoga faamasani faapitoa faaopoopo i suetusi fesoasoani a le eria e faatautu i o latou tiutetauave ma faaaitaui tautupe ma suegatusi i le lotoifale pe a manaomia. Na te saunia avanoa mo suetusi fesoasoani a le eria i upega fesoatai ma faaso atu le poto masani.

### ***Mataitū ma Vaavaai Suetusi Fesoasoani o le Eria***

E faamautinoa e suetusi a le eria o maua e suetusi fesoasoani a le eria le LUFAS ma le CDOL ma iloa ona faaoga. Na te faamautinoaina o i ai se Faitotoa a le Ekalesia a suetusi fesoasoani a le eria ma ua ia taina i totonu ia suetusi fou a le eria i le CDOL.

E faamautinoa e le suetusi a le eria ua tofua faailoa mai e suetusi fesoasoani taitasi a le eria ia au peresitene fou faatoa valaau o siteki i lana aufono faamaopoopo ma faatulaga ia taimi o aoaoga faamasani o mea tautupe ma suegatusi i totonu o le 60 aso mai le taimi na valaauina ai i latou. E lipoti atu e le suetusi a le eria le aoaoga faamasani i le komiti suetusi a le eria.

E faamautinoa e le suetusi a le eria ua tuuina atu e suetusi fesoasoani a le eria ia aoaoga faamasani i siteki taitasi a itiiti ia ta'itausaga. Na te lipoti atua ia aso tonu ua faatulagaina ai aoaoga a le siteki i le komiti suetusi a le eria.

E faamanatu atu e suetusi o le eria i suetusi fesoasoani o le eria ina ia logo ia siteki e uiga i suegatusi o loo loma ma fonotaga e feagai ma le komiti suetusi ma aoaoga faamasani a le suetusi o le siteki. E galulue faatasi o ia ma suetusi fesoasoani a le eria e faamautinoa ua auina atu ia

suegatusi a le siteki ma uarota i taimi e atofaina. Na te faailoa maia suegatusi e tuai pe lei maea ma faafesootai ia suetusi fesoasoani a le eria e faamautinoa o latou tullitataoina ia taitai o siteki ina ia auina atu ia suegatusi e tuai. Pe a tatau ai ma e tusa ai ma le aiaiga faavae mo le tullitataoina ua faatuina e le komiti suetusi a le eria, e talosagaina e le suetusi a le eria le fesoasoani a le Fitugafulu Eria mo siteki e lei auina atu a latou suegatusi.

E faailoa mai e le suetusi a le eria ia tuusaunoaga o suegatusi e lei foiaina e ala i lipoti o le LUFAS, ma e galulue faatasi o ia ma suetusi fesoasoani a le eria e faamautinoa ua foia lelei nei tuusaunoaga ma ia vave. Pe a tatau ai ma e tusa ai ma le aiaiga faavae o le tullitataoina ua faatuina e le komiti suetusi a le eria, e talosagaina e le suetusi a le eria le fesoasoani a le Fitugafulu Eria mo siteki e i ai tuusaunoaga o suegatusi e lei foiaina. E tullitatao e le suetusi a le eria ia suetusi fesoasoani a le eria ina ia mautinoa ua faamaumauina ia tuusaunoaga o suegatusi i le LUFAS. E tuliloa e le suetusi a le eria le faaiuga mo le foiaina o nei tuusaunoaga i le LUFAS, ma na te lipotia lo latou tulaga i le komiti suetusi a le eria.

E talosagaina e le suetusi a le eria ia suetusi fesoasoani taitasi o le eria e iloilo tulaga o suegatusi a siteki o loo lisiina i le LUFAS ina ia mafai ai ona mautinoa (1) o tofua siteki uma ma se taitaifono o le komiti suetusi a le siteki, sui auai o le komiti suetusi a le siteki, ma suetusi o le siteki ua faamaumauina lelei ma (2) o nei valaauga e le o afua ai ni feteenaiga o tulaga.

E tatau i le suetusi a le eria ona fesoatai atu e le aunoa i suetusi fesoasoani taitasi a le eria.

### ***Faafaigofie Valaauga ma Faamalologa o Suetusi Fesoasoani a le Eria***

O le suetusi a le eria po o le Fitugafulu Eria e fuafuaina le taimi ua tatau ai ona valaauina se suetusi fesoasoani a le eria. E maua e le suetusi a le eria le faatagaga mai le taitaifono o le komiti suetusi a le eria ina ia faia le suiga. E talosagaina e le suetusi a le eria le Fitugafulu Eria e fautuina atu se e umia le perisitua ua i ai le agavaa mai siteki o i le aufono faamaopoopo. Afai e leai se e umia le perisitua e avanoa, ma fai e faamaonia e le Au Peresitene o le Eria, e galulue le suetusi a le eria ma Matagaluega a Faifeautalai ma Suegatusi a le Ekalesia e faatumu le avanoa i se ulugalii faamisiona matutua.



A maea ona talia le fautuaga mai le Fitugafulu Eria, e maua mai e le suetusi a le eria le faamaoniga o le fautuaga mai le taitaifono o le komiti suetusi a le eria. E saunia e le suetusi a le eria ma auina atu ia tusi faamalolo ma le valaauga i le Fitugafulu Eria, o le e tuuina atu le faamalologa ma le valaauga ona vaetofia ai lea o le suetusi fesoasoani fou a le eria e avea ma sui o le Au Peresitene o le Eria. E valaauina ma vaetofia ia ulugalii faamisiona i lalo o le taitaiga a le Matagaluega a Faifeautalāi.

E faamautinoa e le suetusi a le eria e auina atu tusi o le faamalologa ma le valaauga i taitai perisitua ma suetusi fesoasoani a le eria i le taimi atofa. Na te faafoea ma tausisia faamaumauga o le auunaga a suetusi fesoasoani a le eria—e aofia ai ma le auunaga a ulualii faamisiona. Na te tuliloaina le aso e valaauina ai ma vaetofia, o le umi o a latou tautinoga e auuna atu ai, ma isi mea faapena.

### ***Lipoti Atu Faamatalaga o le Paketi***

E auiliili e le suetusi a le eria le paketi e saunia e le Matagaluega o Suegatusi a le Ekalesia po o le ofisa o le eria e taulima ai mea totogi e faatagaina, e pei o femalagaaiga, mo ia lava ma suetusi fesoasoani a le eria. Na te lipotia aofaiga na paketi, o tupe faaalu i le faaiuga o le tausaga, ma paleni o paketi i le komiti suetusi pe a manaomia.

### ***Faatino Suegatusi Faasu'esu'ega e pei ona Tofia Ai***

O le Matagaluega o Suegatusi a le Ekalesia po o le pule faafoe a le eria e mafai ona tofia le suetusi a le eria e faatautaia ia suegatusi faasuesuega. E lipoti atu e le suetusi a le eria ia taunuuga o ia suegatusi i le tagata po o le faalapotopotoga na faia le tofiga, ma na te faamautinoaina le le faalauaitelaina o le suesuega.

### **Fegalegaleaiga a le Suetusi o le Eria**

E fesootai le suetusi a le eria ma galulue vavalalata ma sui auai o le komiti suetusi a le eria, o le pulega faafoe a le Ekalesia po o sui o mea tautupe a le Ekalesia, ma taitai o Auunaga a le Uelefea ma le Ola Tutoatasi po o le komiti uelefea a le eria. E taua tele lona atiina ae o se sootaga e galulue lelei faatasi ai ma le pulega faafoe a le Ekalesia po o sui o mea tautupe a le Ekalesia. E mafai ona latou tuuina atu ia te ia faamatalaga autu o mea tautupe ma fesoasoani ia te ia e faailoa atu atugaluga o le puleaina po o le faaluina.

E fesootai e le aunoa le suetusi a le eria ma vaavaaia ia suetusi fesoasoani a le eria. E fesootai o ia ma galulue vavalalata ma le Matagaluega o Suegatusi a le Ekalesia. E fesootai o ia pe a manaomia ma Fitugafulu Eria.

# Suetusi Fesoasoani o le Eria

E taua le suetusi fesoasoani a le eria i le manuia o le polokalama mo suegatusi a le eria. E nafa o ia ma le tuuina atu o aoaoga faamasani e uiga i suegatusi ma aiaiga faavae ma taualumaga o mea tautupe i taitai perisitua, failautusi, komiti suetusi a siteki, ma suetusi a siteki. E nafa foi o ia ma le faamautinoaina o le faatautaia e siteki ia suegatusi auiliili ma le mae'ae'a i taimi atofa, ma faasa'o faaletonu uma e maua i le taimi o suegatusi. O le suetusi fesoasoani a le eria e masani ona tofi i se aufono faamaopoopo e tasi.

O le suetusi fesoasoani a le eria e suia le Au Peresitene o le Eria a o faatinoina ona tiutetauave. Na te lipoti i ma maua ia galuega e fai, taitaiga, ma aoaoga faamasani mai le suetusi a le eria.

O le tofiga o le suetusi fesoasoani o le eria e masani ona manaomia ai se faamalologa mai isi valaauga i le siteki ma le uarota.

## Faailoga Faapitoa o Tomai a le Suetusi Fesoasoani o le Eria

O le suetusi fesoasoani a le eria na te umia se pepa faataga o loo aoga o le malumalu. E masani o ia ma, pe afai e mafai, sa galue auauna muamua i valaauga faaletaitai i le Ekalesia. E fesoasoani tele tomai faapitoa i mea tautupe ma suegatusi.

O le suetusi fesoasoani a le eria e mafai ona fesootai ma aoaoina ia taitai perisitua, failautusi, komiti suetusi a siteki, ma suetusi a siteki. E ia te ia le maufetuunaiga e tuuina atu ai aoaoga faamasani i afiafi ma faaiuga o vaiaso, ma e mafai foi e ia ona malaga taamilo i aufono faamaopoopo.

O le suetusi fesoasoani a le eria e i ai tomai faavae o le komepiuta, se komepiuta feaveai, ma faaoga le Initoneti.

## Tiutetauave o le Suetusi Fesoasoani a le Eria

### *Faailoa Mea e Manaomia mo Aoaoga Faamasani ma Faatino Aoaoga Faamasani Faaletausaga*

O le suetusi fesoasoani a le eria e faatautaia pe a itiiti e tasi le aoaoga faamasani i tausaga taitasi mo siteki taitasi i totonu o le aufono faamaopoopo. Na te lipoti atu ia aso tonu o aoaoga faamasani i le suetusi a le eria.

O le suetusi fesoasoani a le eria e faailoaina mea e manaomia mo aoaoga faamasani a siteki taitasi i le faia o mea nei:

- Iloilo taunuuga o suegatusi.
- Iloilo faaletonu e le'i foiaina pe tupu soo i suegatusi.
- Iloilo lipoti mai le Polokalama o Suegatusi o Mea Tautupe a luniti i le Lotoifale (LUFAS).
- Talanoaina faatasi ma taitai perisitua ia faafitauli o le suegatusi ma mea tautupe, failautusi, komiti suetusi a le siteki ma suetusi o le siteki.
- Fesootai ma le suetusi a le eria.
- Faailoa atu taitai fou faaleperisitua

O le suetusi fesoasoani a le eria e saunia ia aoaoga faamasani e uiga i suegatusi a le Ekalesia ma aiaiga faavae ma taualumaga faapea foi faafitauli tautupe ma suegatusi i le lotoifale i taitai perisitua, failautusi, komiti suetusi a le siteki, ma suetusi a le siteki. Na te faaogaina ia anomea mo aoaoga faamasani e maua mai le Area Audit Resource Library ([aarl.ChurchofJesusChrist.org](http://aarl.ChurchofJesusChrist.org)) ma le Nofoaga Tutotonu o Fesoasoaniga.

O aoaoga faamasani faaletausaga e tataua ona tuuina atu ai avanoa mo taitai perisitua, failautusi, komiti suetusi o le siteki, ma suetusi o le siteki e galulue faatasi ai ma fefaasoa'i poto masani,

### *Aoao Faamasani ia Au Peresitene Fou o Siteki*

E aoao faamasani e le suetusi fesoasoani a le eria ia au peresitene fou o siteki e uiga i o latou tiutetauave mo mea tautupe ma suegatusi i totonu o le 60 aso mai le taimi e valaauina ai i latou. Na te faaogaina ia anomea mai le Area Audit Resource Library ma le Nofoaga Tutotonu mo Fesoasoaniga mo aoaoga faamasani. La te soalaupuleina lenei aoaoga faamasani ma le Fitugafulu Eria.

E mafai e le suetusi fesoasoani a le eria ona maua mai igoa o sui auai o le au peresitene fou o le siteki mai le Fitugafulu Eria, po o le Church Directory of Organizations and Leaders (CDOL) [Lisi o Faalapotopotoga ma Taitai o le Ekalesia (LFTE)]. E lipoti atu le suetusi fesoasoani a le eria i le suetusi a le eria i lana lipoti faatausimea pe a mae'a le uluai aoaoga faamasani.

### ***Tulitatao Suegatusi Na Tuai pe ua Leva ona Tatau ona Mae'a***

O le suetusi fesoasoani a le eria e faamalosiaina ia taitaifono o komiti suetusi a siteki e auina atu a latou suegatusi i taimi atofa. O aso atofa e maea ai e fai e le Ofisa o Suegatusi a le Ekalesia ma o loo lisiina i le LUFAS E fesooteai atu o ia e ala i le telefoni ma imeli i siteki e lei maea, i le tele e manaomia ai E pei ona tatau ai ma e tusa ai ma le aiaiga faavae o le tulitatao ua faia e le komiti suetusi a le eria, na te talosagaina le fesoasoani a le Fitugafulu Eria mo siteki e lei auina mai a latou suegatusi.

### ***Toeiloilo Suegatusi ma Tulitatao Vaega e Faaletonu o Suegatusi***

O le suetusi fesoasoani a le eria e iloiloia ia suegatusi uma mo le sa'o ma le mae'ae'a lelei. Na te faamalosiaina ia komiti suetusi a siteki ia vave ona iloilo ia suegatusi e faatautaia ia latou siteki. La te galulue ma le komiti suetusi a le siteki e faatino soo se faasa'oga e manaomia mo suegatusi ua uma ona tuuina i totonu. Na te taina i totonu ia vaega e faatagaina o suegatusi mai pepa suetusi i le LUFAS.

O le suetusi fesoasoani a le eria e faamalosiaina ia taitifono o komiti suetusi a siteki ia foia lelei mea uma e faaletonu o suegatusi ma ia vave. Na te faaaogaina ia lipoti o le LUFAS ma faafesootai sa'o ia komiti suetusi a siteki e faailoa ai tuusaunoaga e lei foiaina. Na te lipotia le tulaga o faaiuga e foia ai tuusaunoaga o suegatusi i le suetusi a le eria ma le Fitugafulu Eria. Pe a tatau ai ma e tusa ai ma le aiaiga faavae o le tulitatao ua faia e le komiti suetusi a le eria, na te talosagaina le fesoasoani a le Fitugafulu Eria mo siteki e lei foiaina a latou tuusaunoaga o suegatusi.

### ***Ia Mautinoa Ua I Ai I Siteki Taitasi se Komiti Suetusi o Gaoioi***

E galulue le suetusi fesoasoani a le eria ma le taitaifono o komiti suetusi taitasi a siteki e faamautinoa ua faatulaga le komiti ma o loo faatinoina ona tiutetauave. O le suetusi fesoasoani a le eria e faamalosiaina ia komiti suetusi e valaauina ni suetusi e agavaa ma tuuto. Na te iloiloia tulaga o suetusi a siteki o loo lisiina i le LUFAS ina ia mafai ai ona mautinoa (1) o tofu siteki uma ma se taitaifono o le komiti suetusi o le siteki, sui auai o le komiti suetusi a le siteki, ma suetusi o le siteki ua faamaumauina lelei ma (2) o nei valaauga e le o afua ai ni feteenaiga o tulaga.

O le suetusi fesoasoani o le eria e uunaia komiti suetusi o le siteki ia fono faaono i tausaga taitasi—e faatolu mo

le suegatusi i le faaiuga o le tausaga ma faatolu foi mo le suegatusi i le ogatotonu o le tausaga—e pei ona faamatalaina i le pepa tusitusia o le Komiti Suetusi a le Siteki o loo maua i le Nofoga Tutotonu mo Fesoasoaniga.

E faafesootai e le suetusi fesoasoani a le eria ia peresitene o siteki i le aufono faamaopopo e pei ona manaomia ai e uunaia i latou ia faia fonotaga a komiti suetusi ma faamanatu ia i latou aso e faamuta ai suegatusi. Na te faamalosiaina ia taitaifono o komiti suetusi a siteki e valaaulia a latou failautusi ma failautusi fesoasoani e i ai tiutetauave i mea tautupe e auai atu i fonotaga a komiti suetusi a siteki.

### ***Lipoti Atu Tupe Leiloloa, Gaoia, Faaaogaaga Le Talafeagai, ma le Faaaoga Sese o Tupe a le Ekalesia***

O le suetusi fesoasoani o le eria na te vave logoina le suetusi o le eria ma, a lē o le Matagaluega Suetusi a le Ekalesia po o le pule faafoe mea tautupe a le eria e uiga i soo se tupe e leiloa, gaoia, faaaogaaga le talafeagai, (e aofia ai le faaaluina o le taulaga anapogi), po o le faaaoga sese o tupe a le Ekalesia.

### ***Galulue Vavalalata ma le Fitugafulu Eria i Faamatalaga o Suegatusi ma Mea Tautupe***

E fono e le aunoa le suetusi fesoasoani a le eria ma maua mai fautuaga ma galuega e fai mai le Fitugafulu Eria. O le suetusi fesoasoani a le eria e auiliiliina ia suegatusi ma faamatalaga tautupe mo siteki ma uarota i totonu o le aufono faamaopopo ma lipoti atu ia taunuuga i le Fitugafulu Eria e pei ona talosagaina. O le suetusi fesoasoani a le eria e auai i fonotaga a aufono faamaopopo e pei ona talosagaina ai e le Fitugafulu Eria. E mafai e le suetusi fesoasoani a le eria ona talosagaina le fesoasoani a le Fitugafulu Eria e uiga i ni suegatusi faigata suegatusi po o mea tautupe i totonu o le aufono faamaopopo.

### ***Auina Atu o se Lipoti Faalemasina o le Tulaga Faatausimea***

O le suetusi fesoasoani e saunia se lipoti faalemasina o le tulaga faatausimea mo le aufono faamaopopo ma auina atu i le suetusi a le eria faatasi ai ma se kopi i le Fitugafulu Eria. O le lipoti e ao ina aofia ai le faamatalaga e talosagaina mai e le komiti suetusi a le eria.

### ***Lagolago i Tagata e Faaaogaina le LUFAS***

O le suetusi fesoasoani o le eria e fesoasoani atu i siteki i le faamaoniaina o le faaaogaina, sainia, lipotia, po o nisi faaletonu i le LUFAS.

### *Faatino Suegatusi Faasu'esu'ega e pei ona Tofia Ai*

E mafai e le Matagaluega mo Suegatusi a le Ekalesia po o le pule faafoe a le eria ona tofi le suetusi fesoasoani a le eria e faatautaia ia suegatusi faasuesuega. O le suetusi fesoasoani a le eria e lipotia ia taunuuga o na suegatusi i le tagtata po o le faalapotopotoga na tofia le galuega, ma na te faamautinoaina le le faalauaitelina o suesuega.

### **Fegalegaleaiga a le Suetusi Fesoasoani o le Eria**

O le suetusi fesoasoani a le eria e lipoti i, fesootai e le aunoa ma maua mai aoaoga faamasani mai le suetusi a le eria. Na te fesootai atu e le aunoa ma galulue vavalalata ma le Fitugafulu eria e faatatau i faafitauli o suegatusi ma mea tautupe. Na te fesootai atu i peresitene o siteki, taitaifono o komiti suetusi a siteki, ma sui auai o komiti suetusi a siteki a o latou faatinoina o latou tiutetauave faasuetusi ma mea tautupe.

# Fitugafulu Eria

E taua le Fitugafulu Eria mo le manuia o le polokalama mo suegatusi a le eria. La te galulue ma le suetusi fesoasoani a le eria e lagolago ia peresitene o siteki i la latou tiutetauave mo le malupuipua o tupe paia a le Ekalesia ma faamalolosia ma puipua taitai perisitua ma failautusi. E ao i le Fitugafulu Eria ona amatalia se sootaga e galulue lelei ai ma le suetusi fesoasoani a le eria.

## Tiutetauave o le Fitugafulu Eria

### *Fautuaina Atu, Valaau, ma Faamalolo le Suetusi Fesoasoani o le Eria*

O le suetusi a le eria po o le Fitugafulu Eria e fuafuaina le taimi e manaomia ai ona valaau se suetusi fesoasoani a le eria. O le suetusi a le eria e maua mai se faamaoniga mai le taitaifono o le komiti suetusi a le eria e faia le suiga. E fesili atu le suetusi a le eria i le Fitugafulu Eria e fautuaina atu se e umia le perisitua i le siteki ma ua i ai le agavaa, i le aufono faamaopoopo. Afai e le o maua se perisitua agavaa ma faatasi ma le faamaoniga a le Au Peresitene o le Eria, e galulue le suetusi a le eria ma le Matagaluega a Faifeautalai e faatumu le avanoa i se ulugalii matutua faamisiona.

A maea ona talia le fautuaga mai le Fitugafulu Eria, e maua mai e le suetusi a le eria le faamaoniga o le fautuaga mai le taitaifono o le komiti suetusi a le eria. O le suetusi a le eria e sauniaina ma auina atu tusi e faamalolo ai ma valaauina i le Fitugafulu Eria, o le e tuuina atu le faamalologa ma le valaauga e fai ma sui o le taitaifono o le komiti suetusi i le eria, ona vaetofia ai lea o le suetusi fesoasoani a le eria. O ulugalii faamisiona e valaauina ma vaetofia i lalo o le taitaiga a le Matagaluega a Faifeautalai.

O le suetusi o le eria e faia aoaoga faamasani a le suetusi fesoasoani fou a le eria.

### *Galulue Faatasi ma le Suetusi Fesoasoani a le Eria*

E fono e le aunoa le Fitugafulu Eria ma tuuina atu fautuaga ma galuega e fai i le suetusi fesoasoani a le eria. E mafai e le Fitugafulu Eria i le suetusi fesoasoani a le eria e auiliili ia faamatalaga o suegatusi ma mea tautupe mo siteki ma uarota e i totonu o le aufono faamaopoopo ma lipoti atu ia taunuuga. E mafai ona ia valaaulia le suetusi fesoasoani a le eria e auai atu i fonotaga a le aufono faamaopoopo.

E auina atu e le suetusi fesoasoani a le eria se lipoti faalemasina o le tulaga faatausimea i le suetusi a le eria, faatasi ai ma se kopi i le Fitugafulu Eria. O lea lipoti e aotele atu ai gaoioiga faasuetusi ma aoaoga faamasani a le suetusi fesoasoani a le eria, i le aufono faamaopoopo.

### *Lagolago le Suetusi o le Eria ma le Suetusi Fesoasoani o le Eria*

E mafai e le suetusi fesoasoani o le eria ona talosagaina le fesoasoani a le Fitugafulu Eria e uiga i ni faafitauli i suegatusi po o mea tautupe i totonu o le aufono faamaopoopo.

O le suetusi fesoasoani a le eria e tatau ona tuuina atu aoaoga faamasani faaletausaga i siteki taitasi. Na te ono manaomia le lagolago mai le Fitugafulu Eria e uunai ia taitai o siteki e faataatia ese se taimi mo lea aoaoga. O le suetusi fesoasoani a le eria e tatau ona aoaoina faamasani ia au peresitene o siteki i aiaiga faavae mo suegatusi ma tulaga tautupe a le Ekalesia. E mafai e le Fitugafulu Eria ona tuuina atu i le suetusi fesoasoani a le eria ia igoa ma faamatalaga e faafesootai ai ia peresitene fou o siteki.

Pe a tatau ai ma pe a tusa ai ma le aiaiga faavae o le tulitatao ua faia e le komiti suetusi a le eria, e mafai ai e le suetusi o le eria po o le suetusi fesoasoani a le eria ona talosagaina le fesoasoani a le Fitugafulu Eria i le tulitataoina o siteki e i ai suegatusi ua tuai pe ua leva ona tatau ona ma'ea po o ni tuusaunoaga o suegatusi e le'i foiaina. E mafai foi e le suetusi fesoasoani a le eria ona talosagaina le Fitugafulu Eria mo se fesoasoani i le unuaia o suegatusi mae'ae'a ma atoatoa.

## Fegalegaleaiga a le Fitugafulu Eria

E fegalegaleai le Fitugafulu Eria ma le taitaifono o le komiti suetusi a le eria pe a manaomia e fefaasoai faamatalaga ma maua faatonuga. E fesootai le Fitugafulu Eria pe a manaomia ai ma le suetusi a le eria. E fesootai e le aunoa le Fitugafulu Eria ma galulue vavalalata ma le suetusi fesoasoani a le eria e faataata i faafitauli o suegatusi ma mea tautupe.

